

馮氏錦囊秘錄雜症大小合參卷十三

男

乾元龍田

海鹽馮兆張楚瞻甫纂輯

門人王崇志慎初全較

男

乾泰坦公

瘧疾大小總論合參

瘧者內經謂瘧瘧靈樞名歲露有寒瘧溫瘧癘瘧種種不
同經曰瘧瘧皆生於風不過言其一端耳然風寒暑濕邪
自外來飲食居處邪由內作始發也毫毛伸欠身體拘急
寒慄鼓頷寒去未幾內外皆熱頭痛如破渴欲飲冷經所

謂陰陽相移也。有因夏傷於暑。熱氣盛藏於皮膚之內。舍於榮氣之中。因得秋氣。汗出遇風。暑熱既伏於榮。風寒又居於衛。遂閉其汗而不得出。然榮專在內。無自而發。衛行於外。二邪隨之以出入焉。衛氣晝行於陽。邪氣得而外出。此瘡之所以發也。夜行於陰。邪氣得而內入。此瘡之所以蓄也。凡陰陽不可相離。惟有病者。陽氣上行。陰氣下行。行極則返。則陰陽遇而相爭。故經曰。陰陽上下交爭。此也。瘡之始發。陽發於陰。陰實則三陽虛。陽虛則外寒。陰實則內寒。故寒慄鼓頷。中外皆寒。湯火不能溫。骨寒而痛。由是陰

氣逆極同辟於陽。是以外之陽氣實而內之陰氣虛。陽盛則外熱。陰虛則內熱。中外皆熱。故發喘而渴。急欲飲冷。冰水不能寒。然有間日而發者。邪氣內薄於五臟。橫連募原。與衛氣其道遠。其行遲。衛氣每日獨發於外。陰邪附着於內。獨發者。其行速。內着者。其發難。是以間日一發耳。自始作之後。日晏一日。而至後日早一日者。邪初客於風府。自項脊循脊下行。日下一節。風府者。在於項上。項骨有三椎。下至尾骶骨。共計二十四節。凡衛一日一夜行五十度已畢。次日則復出於足太陽經之睛明穴。上至於頂。轉行後

項大會於風府。瘡之始發也。邪在風府。衛至風府。邪隨衛
出而病作。其後也。邪自風府日下一節。與風府相遠。不得
與衛氣同作。衛氣行至邪舍。邪始得隨衛氣而發焉。是以
日晏一日也。至二十五日。邪已下至尾骶骨而行畢。則入
脊內。注於伏膂之脉。從腎上貫肝膈。上行缺盆之中。其氣
日高能隨衛氣而出。故較之於前。而日早耳。有間數日而
發。或渴或不渴者。是邪氣深客於內。不得隨衛氣以出。故
至間數日而發耳。其有渴或不渴者。陰邪於陽。則陽勝而
熱甚。故渴。陽併於陰。則陰勝而熱不甚。故不渴也。有每日

依期而至。忽乃錯亂無定。或早或晏者。是正氣稍復。邪無
容地。而瘡將好也。然經曰。夏傷於暑。秋必痄瘡。又曰。此應
四時者也。冬日爲瘡者。冬氣嚴冽。陽氣伏藏。不與寒爭。故
寒必不甚。秋時病瘡者。清氣已涼。陽氣下降。熱藏肌膚。熱
極則寒。故其寒也必甚。春日病瘡者。春氣溫和。陽氣外洩。
腠裏開發。故必惡風。夏日病瘡者。暑熱熏蒸。津液外泄。故
必多汗。有先寒後熱者。因先傷於寒。後傷於風。寒氣屬陰。
風氣屬陽。先感陰氣。而後感陽。故先寒後熱。以寒爲病機。
故經名寒瘡。先熱後寒者。因先傷於風。後感於寒。先感陽。

而後感陰故先熱後寒以風爲病機故名溫瘧但熱而不
寒者是陽氣盛而獨發故但熱不寒也此表裏俱熱令人
消燂肌肉故經謂痺瘧瘵瘧者因乘涼飲冷饑飽失時當
風臥濕脾胃不和化而爲痰存積中脘遇感乃發故又名
濕瘧牝瘧者寒多熱微或竟寒不熱痺瘧者乍寒乍熱乍
有乍無疫瘧者一歲之間長幼皆似是瘧者夢寐不詳多
生恐怖本因脾虛感襲實非鬼疫茲邪繁世以符咒壓之
而愈者蓋瘧因脾虛而脾主信符咒之佩身則心有所恃
脾有所信中氣一壯外邪自解勞瘧者經年不瘥前後復

發結成癥癖一名瘧母此因治之失宜營衛虧損邪伏肝
經脇下有塊此症當以補虛爲要若徒以攻塊爲事多致
不救虛瘧者正氣虛極邪乘虛襲必先參朮托住正氣毋
使下陷也然經雖有五臟瘧及膽胃膀胱瘧之分總在半
表半裏屬少陽一經而脾胃爲之主氣虛者多發於晝血
虛者多發於夜氣血俱虛者晝夜竝作也治瘧大法無汗
者要有汗散邪爲主而帶補有汗者要無汗扶正爲主而
帶散若過汗之則大耗津液變生別病故必察其邪之淺
深證之陰陽令其自陰而陽自臟而腑由晏而早散而越

之邪去則安更有老瘡并夜發者是邪客陰分常用血分藥內加升提引出陽分方與散截爲宜凡在陽分者易治陰分者難療有惡飲食者必自飲食而得可與消導爲妙若胃傷惡食脉虛無力者又以溫補爲功總有餘者瀉之不足者補之經曰方其盛時必毀因其衰也事必大昌蓋以邪氣正盛治而瀉之則必毀傷真氣不若因邪氣已衰而補其經氣則邪氣自退故必大昌丹溪所言三日一發者受病一年二日一發者受病半年一日一發者受病一月亦不過言受病之深淺耳邪受淺者病在三陽邪隨衛

氣出入而一日一作深者病在三陰不能隨衛氣竝出或
間日或三四日而一作作愈遲者病愈深也得之於暑月
者十有七八蓋因時當中表氣虛水穀停聚爲痰飲於胸
脇矣風暑入內血液稽留於經絡矣夏時毛竅疎通而不
爲病秋氣收斂表邪不能發越故進退不已往來寒熱勢
如凌虐人之狀所以名瘧人之榮衛晝行陽春與背也夜
行陰胸與腹也行至病所而不通乃作寒戰中外如冰此
寒氣發於內也寒已而內外皆熱此邪火盛於外也寒多
熱少宜豁痰開鬱發散熱多寒少宜清熱補虛而兼發散

總以理脾保土爲主而青皮檳榔之類不可久用也

發在夏至後處暑前者此三陽受病傷之淺者近而暴也

發在處暑後冬至前者此三陰受病傷之重者遠而深也

自子至巳屬陽自午至亥屬陰衛虛則先寒營虛則先熱

然瘧本暑邪法當解肌且有無痰不成瘧無食不成瘧之

語或當消導然更莫不由於中氣不足而得若元氣先虛

之人誤投破氣剋伐之藥則中氣虛而愈虛不但邪不得

解勢反內陷必使膿血多成腹脹馴至不救往往而是

世間似瘧非瘧者多奈何一見寒熱往來便以截瘧丹一

截不止則再截止而復發復截以致委頓甚或因致斃
經曰陽虛則惡寒陰虛則惡熱陰氣上人於陽中則惡寒
陽氣下陷於陰中則惡熱凡傷寒後大病後產後癆瘵等
症俱有往來寒熱似瘧甚或一日二三度發者並作虛治
但有陽虛陰虛之別陽虛者補陽如理中湯六君子湯補
中益氣湯加薑桂甚則加附子諸方中必用升柴以提出
陰中之陽水升火降而愈醫書中有論及者矣至於陰虛
者其寒熱亦與正瘧無異而陰瘧中又有真陰真陽之分
人所不知經曰晝見夜伏夜見晝止按時而發是無水也

晝見夜伏。夜見晝止。倏忽往來。時作時止。是無火也。無水者。壯水之主。以鎮陽光。六味湯主之。無火者。益火之原。以消陰翳。八味湯主之。世人患久瘧而不愈者。非瘧不可愈。乃治之不如法也。

風與暑。陽邪也。寒與水。陰邪也。然風爲陽中之涼氣。暑爲熱中之寒邪。合是四者而言。無非皆屬乎寒。故俗呼爲脾寒病。謂寒邪客於肌肉之間。而脾應肉也。及瘧之將發。必先手足厥冷。以脾主四肢也。經言暑者言時氣也。寒者言病氣也。雖邪氣白淺而深。鬱寒成熱。然終不免寒爲本。熱

爲標耳久而不解縱實必虛非大補真氣大創脾胃不得
瘳也瘧發必有寒有熱蓋外邪伏於半表半裏正在少陽
所主之界出與陽爭陰勝則寒入與陰爭陽勝則熱卽純
熱無寒爲瘧瘧溫瘧純寒無熱爲牝瘧要皆自少陽而造
其極偏故補偏救弊亦必還返少陽之界使陰陽協和而
後愈也謂少陽而兼他經則有之謂他經而不涉少陽則
不成其爲瘧矣少陽乃東方甲木之象故其脉自首尾輕
重總不離乎弦也瘧之不離少陽猶咳之不離於肺也然
瘧有因水有因血者惟水飲所以作寒熱惟瘀血所以憎

寒熱故用常山能逐水也。若是血症宜加當歸、桃仁、行血之品爲佐。蓋瘧晝發屬氣，夜發屬血。保命集云：瘧夜發者，乃邪氣深遠而入血分，爲陰經有邪，宜加桃仁於桂麻湯中，發散血中之風寒。

李士材曰：常山生用多，用則吐，與甘草同用亦吐。若酒浸炒透，但用錢許，每見奇功。未見其或吐也。世人泥於老人久病忌服之說，使良藥見疑，沉痾難起，抑何愚耶？時珍曰：常山蜀漆，劫痰截瘧，須在發散表邪及提出陽分之後，用之得宜，其效如神。然瘧藥每以黃昏煎好，露一宿，五更時

溫服者以瘧爲暑邪凡暑得露則散也

醫貫云有渴甚者發時飲湯不絕以六味丸一料納肉桂一兩水煎探冷連進代茶遂熟睡渴止而熱愈又有惡寒惡熱如瘧無異面赤如脂口渴不甚吐痰如湧身以上熱如烙膝以下自覺冷此真陽泛上腎虛之極急以附子八味地黃湯大劑冷飲而熱退繼以人參建中湯調理截者堵截也兵精糧足寇至方可堵截壯盛之體三四發後瘧勢少減可以截之其虛弱之人始終不能截也誤截因致腹脹別病不可不慎卽服藥亦有禁忌瘧將來可服

藥阻其來將退可服藥追其去若瘡勢正盛服藥與之混
戰徒自苦耳至於多熱而久不解者其人必本陰虛法當
益陰除熱非生鱉甲牛膝不能除也多寒而久不解者其
人必本陽虛非參芪白朮甚至桂附不能除也凡久瘡不
止乃屬元氣虛寒蓋氣虛則寒血虛則熱胃虛則惡寒脾
虛則發熱陰火下流則寒熱交作或吐涎不食泄瀉腹痛
手足厥冷寒戰如慄若投以清脾截瘡二飲多致危殆惟
人參煨薑各一兩煎湯於發前三時服或發日五更連進
二劑無不愈者無力服參者氣虛以白朮代之血虛當歸

代之或人參常山各五錢同炒去常山以人參煎湯未發
前服亦效故曰脉實症實攻邪以治標脉虛症虛補止以
治本瘧者風寒暑濕之邪爲外感三陽經病也奈嚴氏有
無痰不作瘧之論夫痰本人身之津液隨邪之所在而成
病之名若指痰爲瘧之本反以瘧爲痰之標則瘧將已也
痰匿何所瘧將作也痰發何經痰胡爲而旣已其病胡爲
而復發其病可見痰之因於瘧非瘧之因於痰更非因痰
以致瘧也明矣獨不觀諸經曰瘧者陰陽更勝也陰勝則
寒陽勝則熱又曰陽盛則熱陽虛則寒瘧者虛也陰陽旣